

„Corona Virus XXIX“

„Froge über Froge“

Cha dä verflixt Virus mit em Name „Corona“
üs wüerkli nid - Gopfrid Stutz - ändlich i rüeh la?
Müse mir wüerkli Angscht ha vo ere zwöite Wäue?
Üs d'Herbscht- d'Advänz- u Wiehnachtzyt lo vergäue?
Soui wider aui Hokey-Fäns doheime blibe -
D'Wirte, u ihri Gescht unger lääre Tische liede?
Dörfe scho gly die Junge ou nüm umeloufe -
wär geit de für üs Aute no go Iichoufe?
Gö bau scho wider die meischte Läden zue -
oder bringt die augemeini Maskepflicht chly Rue?



Gits ächt e Antwort uf au üsi dringende Froge?
I gloube **jo**: zämeha, u **mitenang** nid verzage!
Mängs wird üs im Autag yschränke -
aber do derzu git es au z'Bedänke,
dass, wes hiuft u mir gsung blibe,
isch das chynere Übu wo mir erlide.
Mir wei de Behörde u der Forschig vertraue -
D'Massname umsetze u zäme Nöis ufboue.
Corona isch nid z'lügne u verharmlose -
süsich geits, wie z'America, i d'Hose!

Niemer weiss, was üs d'Zukunft wird bringe
aber, solang mir nid lö lo hange d'Gringe -
d'Hoffnig nit vergässe, oder gar verlüre, wird's scho wärde.
I gloube dra: die Pandemie wird wider verschwinde vo der Ärde!
Schön wäris jo, we die Chrankheit derzue würd füere,
das d'Mönschheit merkti, was si aus chönti verlüre.
We mir i Zukunft chly bewusster würdi läbe -
u vo „Covid 19“ z'Positive würdi blibe chlabe.
Religion, Härkunft u Rasse spiuti kei Roue meh -
u mir würdei im „Nachber“ nume no der „Mönsch“ gseh.

Andreas Zingg

